

ბირჟის ორგანიზაციული მოდელი

ლევან ჯიქიძე

საქართველოს ტექნიკური უნივერსიტეტი

რეზიუმე

ბირჟა პირდაპირი გაგებით ბაზარს ნიშნავს. თანამედროვე პირობებში კი ბირჟა წარმოადგენს თავისუფალი ბაზრის ფუნქციონირების ყველაზე განვითარებულ ფორმას, სადაც ხორციელდება სხვადასხვაგვარი სავაჭრო გარიგებები. თანამედროვე ბირჟებზე ვაჭრობა ელექტრონული სახით სპეციალიზებული პროგრამების გამოყენებით მიმდინარეობს. სტატიაში განხილულია უნივერსალური ბირჟის მახასიათებლების და ბირჟის ორგანიზაციული სტრუქტურის აგების საკითხების შესახებ.

საკანბო სიტყვები: ბირჟა, უნივერსალური ბირჟის მახასიათებლები, ორგანიზაციული სტრუქტურა.

1. შესავალი

თანამედროვე ეკონომიკა, რომელიც ხასიათდება მაღალი დინამიკურობით, პროცესების გლობალიზაციით, მომხმარებელზე ორიენტირებითა და მზარდი კონკურენციით, საჭიროებს ოპტიმალური მართვისთვის ადეკვატური მეთოდების და საწარმო საშუალებების გამოყენებას. ამ მეთოდების და საშუალებების ეფექტური გამოყენებისთვის მნიშვნელოვანი საკითხია საწარმოს პოტენციალისა და შესაძლებლობების ორგანიზაცია და ცოდნის დამუშავება, რომელიც მის ინტელექტუალურ კაპიტალს წარმოადგენს. დღეისათვის საწარმოს ცოდნის მართვის კონცეფციაში იგულისხმება თანამედროვე ინფორმაციული ტექნოლოგიების გამოყენება, ნებისმიერ სიტუაციაში, სუბიექტების მიერ (ადამიანის, საშუალოს, რთული სისტემების მართვის) გადაწყვეტილების მიღება ხორციელდება ინფორმაციული პროცესების საფუძველზე.

თანამედროვე ორგანიზაციულ სისტემებში მართვის ცნება დაკავშირებულია კომპიუტერის საშუალებით გადაწყვეტილების მიღებასთან. საზოგადოებისათვის მრავალი პრობლემის ანალიზი ხორციელდება რთული სისტემების საშუალებით. ბიზნესის თანამედროვე ტექნოლოგიები ხასიათდება მაღალი დინამიკურობით, რაც გამოწვეულია ბაზრის მოთხოვნის მუდმივი ცვალებადობით, საქონლის წარმოების და მომსახურების ორიენტირებით, შემკვეთების და კლიენტების ინდივიდუალურ მოთხოვნით, ტექნიკური შესაძლებლობების უწყვეტი სრულყოფით და ძლიერი კონკურენციით. ასეთ შემთხვევებში იქმნება ინფორმაციული სისტემების დამუშავების აუცილებლობა, რომლებმაც, ერთი მხრივ, ოპერატიულად უნდა დაუჭიროს მხარი არსებული ბიზნეს-პროცესების ფუნქციონირებას, მეორე მხრივ, კი უნდა შეიმუშაოს პროგნოზები და რეკომენდაციები ბიზნეს-პროცესების ეფექტური ორგანიზაციისთვის.

2. ძირითადი ნაწილი

საბაზრო ეკონომიკის პირობებში - ბაზრის ინფრასტრუქტურული მომსახურების შექმნა მეურნეობის სოციალურ-ეკონომიკური ეფექტიანობის ზრდის ერთ-ერთ მნიშვნელოვან მიმართულებას. ვაჭრობაში დიდ როლს ასრულებს სპეციალიზებული სასაქონლო ბირჟები, რომლებიც ორგანიზაციულ სისტემებს წარმოადგენს. სპეციალიზებული სასაქონლო ბირჟა არის ბაზარი, სადაც მსხვილი საბითუმო ვაჭრობა ხორციელდება ერთგვაროვანი საქონლის ნიმუშების, სტანდარტების ან ხარისხობრივი ნიშნების მიხედვით. ასეთ სასაქონლო ბირჟაზე გარიგება ხდება უპირატესად ერთგვაროვანი საქონლის დიდ პარტიებად (მატყელი, ბამბა, შაქარი, ლითონი) და სხვა. ამ საქონლის პარტიებად გამოყოფა ხდება სტანდარტებისა და ნიმუშების მიხედვით, მათი შეფასების დიფერენციაციის მიზნით. ბირჟაზე მყიდველი და გამყიდველი თანხმდება შესყიდვის ფასზე, რაოდენობაზე და გამყიდველის ვალდებულებაზე. საქონლის ცალკეული პარტიების დადგენილ დროში დათქმულ ადგილზე გატანის შესახებ.

უნივერსალური ბირჟის არსის განსაზღვრისას შეიძლება შემდეგი მახასიათებლები გამოვყოთ:

1. უნივერსალური ბირჟა წარმოიქმნა სხვადასხვა სპეციალიზებული ბირჟების ურთიერთშერწყმის ბაზარზე, აქედან გამომდინარე მისი ბაზარი ერთმანეთისაგან განსხვავებული სპეციალიზებული ბაზრების გაერთიანების რთული სისტემაა; 2. უნივერსალურ ბაზარზე მიიღწევა უფრო დიდი ლიკვიდირება, ვიდრე ნებისმიერ სხვადასხვა სპეციალიზებულ ბაზარზე; 3. უნივერსალურ ბირჟაზე მოქმედ სპეციალიზებულ ბაზარზე კვლავ იწარმოება არა მარტო საქონლის ამა თუ იმ დასახელებაზე არსებული მოთხოვნა - მიწოდების თანაფარდობით, არამედ ურთიერთ შეცვლადი საქონლის ტიპებზე ფასწარმოქმნის თავისებურების გათვალისწინებით. ბირჟის ორგანიზაციული სტრუქტურის შემადგენლობაში შედის: ეკონომიკური ანალიზის ცენტრი; ხელშეკრულების და სამართლის დეპარტამენტი; სატრანსპორტო, სატარიფო განყოფილება; საბირჟო ვაჭრობის გაუმჯობესების განყოფილება. ინფორმაციული ცენტრი; ადმინისტრაციულ-სამეურნეო განყოფილება; საბროკერო განყოფილება. საბირჟო ვაჭრობის და ორგანიზაციული განყოფილება. მათი ფუნქციონალობა შემდეგია: **ეკონომიკური ანალიზის ცენტრი:** არსებული ბაზარზე მდგომარეობის მონიტორინგი; პროდუქციის

კონიუნქტურული ბაზრის კონტროლი; ტექნიკური, ეკონომიკური და სხვა ფაქტორების ანალიზი, რომლებიც გავლენას ახდენს ბაზარზე; ტაქტიკური პროგნოზი; ფასიანი კონსულტაციები ეკონომიკურ საკითხებზე. **ხელშეკრულების და სამართლის დებარტამენტი:** პატნიორებს შორის გარიგება. ოპერაციების სამართლებლივი გაფორმება; კონკურსის მონაწილეების მართლზომიერი ქმედებების კონტროლი; საარბიტრაჟო კომისიასთვის საქმეების მომზადება. **სატრანსპორტო სატარიფო განყოფილება:** ბირჟაზე შექმნილი პროდუქციის ორგანიზება და უზრუნველყოფა; მყიდველსა და გამყიდველს შორის კონსულტაციები ტრანსპორტირების საკითხებზე; წინადადებების მომზადება მყიდველამდე ტვირთის ეფექტური გზებით მიწოდებაზე; საქონლის მიწოდებაზე ანგარიშის გაფორმება. **ინფორმაციული ცენტრი:** ყველა ინფორმაციის მიღება, შემნახვა და გადამამუშავება; წვერებისათვის და დაინტერესებულ პირთათვის ინფორმაციის მიწოდება. **საბირჟო ვაჭრობის და ორგანიზაციული განყოფილება:** საბირჟო დარბაზის საჭიროებისამებრ მოწყობა; ბირჟის უზრუნველყოფა კომერციული ინფორმაციით; ბირჟის წვერების აუცილებელი მასალებით და პირობებით უზრუნველყოფა. **ადმინისტრაციულ სამეურნეო განყოფილება:** ტრადიციული სამეურნეო ამოცანების შესრულება; საბუღალტრო საქმიანობასთან და კადრებთან შრომის ანაზღაურებასთან დაკავშირებული ამოცანების გადაჭრა. **საბროკერო განყოფილება:** საბირჟო ვაჭრობა საბირჟო დარბაზში; ბროკერების წარდგენა ბირჟის წვერებისადმი, რათა განახორციელონ ვაჭრობა; აღსრულების გაფორმება; ორივე მხარის მიერ ხელშეკრულებით გათვალისწინებულ ვალდებულებათა კონტროლი - პროდუქციის ექსპერტიზა.

თანამედროვე ბირჟების უპირატესობანია: გაუმჯობესებული დაგეგმვა; სარგებელი; საიმედოობა; კონფიდენციალობა; სიჩქარე; მოქნილობა; ლიკვიდურობა; არბიტრაჟის შესაძლებლობა.

საფონდო ბირჟის ირგანიზაციის საფუძველია: საბირჟო ვაჭრობაში მონაწილეობის ეფექტური მექანიზმის შექმნა. ინვესტორების უფლებების და ინტერესების დაცვა. მსოფლიო საფინანსო ბაზარზე ინტეგრაცია. ფართო სპექტრის ფინანსური ინსტრუმენტების გამოყენება ეკონომიკისა და სხვადასხვა ჯგუფების ინვესტორების მოთხოვნილებათა დასაკმაყოფილებლად. საქართველოს ბაზარზე არარეზიდენტული ფასიანი ქაღალდების დაშვების ლიბერალიზაცია. სამთავრობო ორგანოების და თვითმართველობის ორგანოების მოქმედების კოორდინაცია.

საფონდო ბირჟის აგების ორგანიზაციული პრინციპები: ორგანიზაციულ-მმართველობითი სტრუქტურის აგება. ეფექტურობა, დინამიურობა და ოპერატიულობა. პროპორციულობა აგებაში. კადრების რაციონალური შერჩევა და განთავსება. პასუხისმგებლობა დავალების შესრულებაში. კონტროლი დავალების შესრულებაში. მატერიალური დაინტერესება შრომაში. საფონდო ბირჟაზე მოქმედი ფაქტორები: ეკონომიკაში კრიზისული გამოვლინებების გადალახვა; სამრეწველო წარმოების რესტრუქტურისა და განვითარება; ფედერალური ბიუჯეტის დეფიციტის დაფინანსება; სამეწარმეო საქმიანობაში გადაუხდელობის აღმოფხვრა; კომერციული სტრუქტურების მიერ ფასიანი ქაღალდების ემისია; ფასიანი ქაღალდების წვდომა საერთაშორისო ბაზარზე; საბანკო სისტემების რესტრუქტურისა და ემიტენტების და ინვესტორების ინტერესების დაცვა; ეკონომიკის რეალური სექტორის მოთხოვნის დაკმაყოფილება; მასშტაბური პრივატიზაციის განხორციელება; ფასიანი ქაღალდების ბაზრის ინფრასტრუქტურის ჩამოყალიბება;

ლიტერატურა:

1. 2006
2. 2005.

ORGANIZATIONAL MODEL OF STOCK MARKET

Djikidze Levan

Georgian Technical University

Summary

Stock in the direct understanding means a market. Nowadays stock represents the most developed form of functioning of a free market in which various bargains are carried out. In modern stocks sales are made by means of using specialized programs in electronic kind. In the article the issues of characteristics of universal stock and organizational structure building are discussed.

Джикидзе Л.